

Joňan Lablok in Kapeel ibben Rijikuul

Juon Melele ñan Jinen im Jemen

Ilo Washington, ewör ruo wāween ko jinoin ñan an jinen im jemen rijikuul melele kin joňan an ajiri eo nejeir tōbrak ilo teej an state ikijen math im; rej kalikar joňan Tōbrak (Achievement) im Lablok Kapeel (Growth).

Joňan teej im joňan tōbrak eo an rijikuul eo nejum rej kwalok jidik melele kin joňan aer katak ilo ien teej eo. Ñan lale wāween an rijikuul eo nejum lablok kapeel ibben ilo katak ko ilo teej, kwōmaron lale joňan katak eo an ilo

Tobrak

- Ta bōnōbōn eo an ajiri eo neju?
- Ta joňan tōbrak eo ekkar tōbare?

Lablok Kapeel

- Jete joňan an lablok kapeel ajiri eo neju ekkar kōmmāne ilōan iio eo emootlok?
- Ebaake ke joňan eo ewör kapeel ilo an melele?

Bōjjāan in Lablok Kapeel ibben Rijikuul (*Student Growth Percentile, SGP*).

Juon bōjjāan in lablok kapeel ibben rijikuul (SGP) ej kōmelele lablok in kapeel ibben rijikuul iomwin iio eo emootlok jen rijikuul ro rej dettan.

Ekkā an jibañ ad lomnak kin SGP ibben kein joñjoñ ko jet rekkā ñan lale laplok in kapeel ñan rijikuul eo nejum. Waan joñak, ilo ien ad lomnak kin eddeklok in enbwinnin ajiri eo nejum, kwōmaron kōjerbale ñan bōk melele kin joňan aitok im kileb eo an ajiri eo ilo am lale ñan ajiri ro jet rej dettan iio eo an. Ñe ajiri eo nejum aitoklok jen 45% in ajiri ro jet dettan iio eo an, kwōmaron kar roñ rej bed ilo 45 bōjjāan.

Ilo bōjjāan in lablok kapeel (SGP), rijikuul eo nejum rej lale oktak eo an ñan rijikuul ro dettan wōt ilo katak (rijikuul ro ibelakin state eo ilo ejjā katak im joňan kilaaj, im bōnōbōn eo aer moktalok ej einwōt ilo teej ko an state). Innem SGP ko rej kōmman am lale joňan an lablok kapeel ibben rijikuul eo nejum iomwin iio in jikuul eo jen rijikuul ro dettan wōt ilo jikuul ilo State eo an Washington.

Juon SGP ej juon nomba ikōtaan 1 im 99. Ñe SGP eo an ajiri eo nejum enaj 85, ej kwalok ke elablok kapeel jen 85 bōjjāan in rijikuul ro dettan wōt ilo jikuul. Rijikuul ro kin bōnōbōn in teej ko einwōt *ilo ien in* emaron lukkun oktak SGP ko aer elañe oktak bōnōbōn in teej ko aer *moktalok*. Rijikuul ro elukkun ettā bōnōbōn in teej ko aer ilo ien in emaron lukkun lablok bōjjāan in kapeel ko aer; im bareinwōt, rijikuul ro elukkun lab bōnōbōn in teej ko aer ilo ien in emaron lukkun ettā bōjjāan in lablok kapeel.

SGP ko rej juon bar kein jermal eo emaron jibañ an jinen im jemen rijikuul bōk kwōnaer ibben rikaki im rijermal ro an jikuul ilo aer kenono kin ta ko remaron kōmmāne ilo an ajiri eo nejeir katak. Emaron wōr tokjen kinke elablok melele eo ej etal kin tōbrak eo ibben rijikuul ro nejum iomwin ien—ejab wōt kin joňan eo rekkar bed ie ilo raan in teej eo. Melelein mennin remaron kile tōbrak in katak ibben ajiri eo nejum jekdoon ettā bōnōbōn in katak eo an."

Kajjitōk ko jinen ak jemen emaron kōnaan lelok ej:

- Ta wāween ko jemaron kōmmāne kin an kar ettā tōbrak an ajiri eo neju ilo math ak riit im ta eo enaj aikuñ ñan an woñmaanlok?
- Ekkar ke emmon joňan an tōbrak ajiri eo neju ilo iio eo emootlok?



Ewör wāween ko jinen im jemen im rikaki ro rej joŋjoŋ ñan bōk melele kin an ajiri eo nejum tōbrak ilo katak. Rej aikuj lale SGP ko koba ibben melele ko jet kin wāween an ajiri eo nejum tōbrak ilo jikuul, einwōt, kureet ko an, an kadedelok katak ko an ilo kilaaj, im kapeel ilo wāween an leto letak ibben ro jet. Aoleb melele kein kin joŋan an rijikuul katak elablok aer kwalok aoleben melele eo kin joŋan an ajiri eo nejum tōbrak ilo jikuul. Ñan melele ko relablok im mennin jibaŋ ko, jouj im lale website eo an OSPI ikijen Bōjjāan in Lablok Kapeel ibben Rijikuul: <https://ospi.k12.wa.us/data-reporting/reporting/student-growth-percentiles-sgp>.

Juon Kein Kajinet ñan Melele kin juon Joŋan Lablok in Kapeel ibben Rijikuul

